

畿輔通志卷一南十七

略七十二 經政二十四 學校四 遵化 易 冀 趙

遵化州

州學在州治西南金正隆三年建元大德七年縣尹謹案州舊為縣

盧珪重修雍正志元至元五年縣尹劉巨謙增建講堂州志

明宣德間教諭毛達訓導張輝景泰間總兵王或宗勝各有

增修雍正志正德間守備馬永巡按李貢重修明陳玉有記嘉靖初

巡按孟春修葺明熊相記略遵化縣儒學其始視他縣等耳

御史澤州孟公視城之巽方曰地宜昂左盍樓是以盛人文諸生或進曰舊亦有樓燬於兵久矣且學宮自蕪湖李公後莫復加意日頽圯請先從事焉公曰諾乃諏日舉事工未半以少宰召不俟駕行矣濟甯劉公實繼公巡撫復慮其未及而日興賢育才以端化原植國楨盛舉也吾左右之自春徂秋乃落成為明倫堂若干楹兩廡若干楹師生號舍若干楹厨廩若干楹視舊有加若堂後之尊經閣城上之文明樓尤為雄麗則肇之自今也或曰戎馬羽書甚急奚急此昔烏桓

寇無終前賢田疇入徐無山中歸之者五千餘家疇爲之制
婚姻嫁娶之禮興學校講授之法北邊翕然服其威信烏桓
鮮卑爭遣使致貢疇悉撫納令不爲寇今使學校之所育士
能自得師無忝田疇則禮教之威甚於干楯邊鄙之俗厚於
中州斯似緩而宜急矣二公同急公家以造多士然惟和厥
心用能成厥事也孟公諱春字時元繼美者劉公諱澤字濟
民皆秉正不阿並在官久之復用其出處同繇同志也守備
郭景率諸生以邑人侍御成君英書來請記予遂書此歸之
登之石者則守備九聚知縣王湄
也有勞於役者姓名列諸碑陰 萬厯二年巡撫楊兆修尊

經閣

明張守直記略嘉靖改元之明年巡撫澤州孟公春來
撫茲土從諸生梅鸞輩請新厥學又謂邑障山環海宜

著崇高以表之而邑所與立土所由興聖經之教者也請構
尊經閣於明倫堂後工未訖公以少宰召入越明年濟甯劉

公澤代公嘉是舉竟落之兵憲江右熊公相嘗立石紀事歲
久風雨剝落越二十年盧施楊公兆仗鉞至民息呻吟土興

絃誦偕兵憲洛陽徐公學古講肄於學謂閣且日圯葺之弗
可已也乃檄有司鳩材用繕之崔巍壯麗視昔有加其經理

則邑侯王宣化分理則揮使呂世爵邑幕王一林新令尹宋
仕繼至而文學博士紀文光陳言尹詔及諸髦士徵記於余

余悲夫介在邊邑軍旅之事殷於俎豆而一旦興廢葺墜恢
文物之舊觀增山川之勝概以昭文明而昌士氣此希世之

澤也踴二十一年知縣李杜恢拓之大成殿三楹東西廡各
躍誌之

二十八楹

明賈應元記略遵化學制亦偉顧歲更時積廟貌頽甚雲中李侯來作我父母蓋稅綏釋菜之日已

慨焉太息於斯維時藏餘於財民餘於力下孚上獲政底有成乃進諸生謀之而捐俸資以倡義先遂請役於前撫臺長垣成公直指孟津陳公監司陽城楊公業俱報可而成公移疾去以江右李公代公復予贖鍰以劔其事於是誠日鳩工度材致用邑人自縉紳學士武弁齊民罔不忻忻輸助俟則夜視政日視工諸所攄畫若出天然聖殿兩廡增高若干尺次則明倫堂而二齋亦次第益之啟聖祠舊厝廡西今移之尊經閣東隅徙敬一亭當其前祠之故墟列爲號房二十八楹後則鄉賢名宦祠莫焉而祭器有藏省牲有所北則建正廡爲文居而膳夫房八楹拱廡之前宮之東故有泮池汙甚則濬之繕以四壁橋亘其中池北易地爲魁星樓以映文昌閣復架洗心亭出水而豎聖域賢關二坊環峙左右昔所有者以新昔所無者以剏而新者什一剏者什九越三閱月而後竣不佞睹茲盛際矧辱侯之命曷敢以不工於文辭遂爲之記時萬曆二十一年浚泮池州志天啟間巡撫申用懋崇十二年五月也

禎五年知縣劉開文各補修

雍正志

本朝順治四年巡撫柳寅東知縣郭皇畿修兩廡

胡世安記略中丞柳公展

謁興慨顧郭令曰神祠梵宇不以兵革鞠茂草以先師道德之宗膠庠禮教之本任其淪圯非所以追隆堂構儀型宮牆

也爰捐俸二百五十金令毅然任其事美材堅壁之經費丹
堊輪奐之中程不勞民力不捐公帑始菊月迄陽月工告竣
由是采芹明薦升降輝如矣鼓篋考業進退雍如矣筵肅老
更德觀矍相威儀秩秩矣安於柳中丞同世譜而於郭令有
友生之誼固樂而書其事中丞名寅東遵
令名皇畿董是役者則典史程名興者
十二年巡撫王來

用重修

袁白記略遵屬畿東文獻名區學宮夙甲諸邑風雨
飄飄歲久浸敝王辰秋鍾秀王公奉
命鎮撫

順永建牙於遵下車三日臨學瞻拜起而周視見殿廡傾摧
垣牆盡圯惻然曰春秋俎豆之壇衣冠絃誦之地豈容聽其
頽敝至此於是首先捐橐鳩集工役經營木石令兩司訓董
其事自春迄夏建告成功孟秋之朔公臨學閱工見一切修
舉數十年頽敗之宮牆齋舍上下內外煥然改觀司訓暨諸
衿式舞且歌交慶其盛謀礱石以垂不朽屬余爲之記公諱
來用由甲戌科第以大司馬開府於茲其它効
貲効力贊襄於厥工者悉得載姓氏於碑陰
康熙元年署

知縣范鐵鉉修照壁二年知縣孫錫蕃教諭李若昇修兩廡

縮爲七楹三年邑人張德裕修鄉賢祠八年訓導高履泰修

櫺星門十二年又修啟聖祠十四年邑人賈光前改建名宦

鄉賢二祠十五年改縣爲州十七年知州鄭僑生學正葉向

昇訓導李紹沅三十一年知州祖允燾三十八年知州李鐸

先後修葺雍正三年州判孔興泰修殿廡及崇聖祠六年學

正耿元楷乾隆八年知州嚴文照學正王悅訓導王倫燹修

明倫堂三十三年知州修禮補葺

州志 劉見龍有記

嘉慶十六年學

正路文星訓導鄭湘蘭二十七年郡人劉銘張青雲各補修

同治元年郡人呼延瑞濬泮池三年知州李延瑞學正劉毓

奇訓導黃紹寅重修

州冊

學正宅在學宮西

縣志

訓導宅在學正宅南

同上

學額原額科歲試各取文童十五名歲試取武童十二名乾

隆八年陞爲直隸州學又於屬縣撥入文武童各三名

學冊

燕山書院在州城東街本舊義學康熙五十四年知州劉之

琨因察院遺址建乾隆三年知州杜甲九年知州嚴文照十八年知州劉靖相繼增修三十九年知州李蔭椿改作書院有經費官地二頃三十七畝零每年收租穀二十一石一斗院門左右房屋每年租錢九千豐玉二邑每年捐解膏火銀三百六十兩其支發未敷知州捐俸補給

州志

嘉慶八年知州

李景梅重修講堂額曰敬業堂二十三年知州張家本倡捐重修大門講堂添建前院廂房游廊等處

高薰業記略燕山書院者創始於前

刺史李君蔭椿因義學之舊址也厥後修葺不時垣傾棟撓生徒肄業無以蔽風雨前刺史張君慨然修之捐俸金五百兩玉田黃明府豐潤杜明府亦各捐俸金二百五十兩其不敷者張君又獨力任之而擇郡人士之賢能者董役焉旋以外艱卸篆予承乏茲土適遇此役落成多士以張君有大造於斯也往請曰某等恭承嘉命夙夜兢兢幸有以報共修建大門三楹講堂三楹增建東西廂各三楹其餘游息之室庖福廂園之所凡屋十四間又大門兩旁鋪面兩間茲以堂構繚以周垣從此人文蔚興皆神君之賜願有記以昭來茲俾此邦成人小子識我侯德永永無替張君曰表經之中言而

不文不能狗諸君請乃因以囑予予念拂君之囑是沒君之德也何敢以譎陋辭乃集諸生於講堂而告之曰張侯之倦倦於書院者何爲哉想爾以爲窮典墳地也張侯之倦倦於典墳何爲哉想爾以爲掇青紫資也噫其亦未深悉夫張侯之意矣夫天下奇才少中人多必爲之積念以率之而後善其觀摩爲之殿最以程之而後生其媿厲爲之慶讓以激之而後學純者益進於大成其未純者亦不安於小就士習民風之美皆由於此如使舍之無其地作之無其術安望胥一邑而蒸蒸日上乎自虞廷敷教特命司徒而庠序學校三代遞詳其制唐宋以來又益以書院鹿洞鷺湖熏其德而良善者幾千人非其效歟我國家稽古右文士崇實學書院之設遂徧天下燕山書院建於乾隆三十九年及今不過四十餘年耳中間遞修遞廢至張侯而始大擴其制夫自二氏倡拔而浮屠佛老之宮莫不金扉玉牖黝堊載新語所以陶鑄人材者往往置之弗顧豈視爲緩圖歟抑亦有志焉而未逮歟則張侯之澤被斯土者其無窮也已自時厥後爾多士務以正學相尙則仁義之人其言藹如斷不患科名之不遂達而在上則豐功駿烈追配前人卽衡門自樂亦足繼燕山之義方而五桂且袞袞以起也斯足慰張侯之心亦無負今日之訓誨矣衆曰唯唯爰書之於石並以質諸張君以爲何如也

道光六年知州白明義添建後院東西廂房倡捐租息各

項購置書籍立定條規

白明義記略州治燕山書院前牧李公因察院舊址而改建之甚盛舉也

命來

惜經費不敷章程未備日久漸廢乙酉歲余奉
牧茲土視學之餘亟詣書院見其虛舍無人遺規已渺未嘗
不歎斯地之人文闕寂有由來也惟是繕齋舍布條教增脩
脯廣膏火而學無常居士無常業不數年終歸頽廢烏足以
語夫振興文教也乃以徐傳二明府捐廉爲倡諸紳咸踴躍
從事樂襄厥舉遵化捐銀二千兩玉田八百兩豐潤一千二
百兩各就近發商生息而遵城李董二紳復捐租田二頃二
十七畝零外有河淤墾地四頃一十八畝零歲租亦爲歸入
經費較裕於是舊者新之傾者植之缺者補之延名師選三
城諸生之茂異者萃居其內詳立規條購聚書籍飲食而外
晨盥夕檠悉備立出入印簿擇誠實董事專司其事官課日
余過講堂親爲指授諸生環聽之下頗知領會因自慰曰今
而後庶可以垂諸永久矣抑余更有進焉屋宇弗修資供弗
給師遠而疏生徒濫而荒牧斯土者責也崇豐資敦師選徒
而不相與志乎聖賢之道祇自命爲文人學士則非牧斯土
者之責而諸生之責也諸生勉乎哉爰刻捐資姓氏於碑陰
而爲之記

咸豐八年知州何蘭馨倡捐復興租息各款

何蘭馨記
略燕山書

院之設由來舊矣前牧李公始創其基張公繼擴其制然均
以經費不敷不久卽廢道光乙酉歲瀋陽白公來牧斯土以
培養人才爲先務廣爲捐資增脩舍延名師厚脩脯選茂異
廣膏火飲食而外茶炭薪燭俱備諸生肄業其中獲講習之
益無執爨之勞二十餘年間破壁飛去者不一而足非培養
之明驗哉庚戌歲前刺史某公將發商生息之項因公提用

而余適奉

命承乏茲郡極力籌措期年之間細者復

贏廢者復興並於原設膏火之外增益數分願諸生肄習其

中者尊聞行知明體達用以聖賢之學自命將士習正文

興達而在上可爲國楨幹卽終身不遇亦不失爲鄉閭獨

善之士斯不負余之苦心而租息原地二頃三十七畝零租

亦可爲朝廷作人慶也

糧二十一石一斗續添地三頃四十二畝四分三釐租糧五

十一石零三合又院東鋪房二間租東錢六十千又地四十

一頃二十二畝七分三釐二毫又草房四十一間租東錢二

千八百六十千二百七十文又地三頃五十九畝五分七釐

草房六間租銀二十三兩二錢七釐九毫每年計收糧七十

二石六斗零三合東錢二千九百二十千零二百五十文銀

三十三兩二錢七分六釐九毫本州發當商生息成本東錢

二萬一千千每月息錢二百五十二千由紳董支收玉田縣

生息成本東錢四千八百千每季生息東錢二百零一千六

百文豐潤縣生息成本銀一千二百兩每季息銀三十兩各

由本縣批解

州冊

蘭陽書院在州城西馬蘭峪城西門外道光十一年馬蘭鎮
總兵鍾昌倡捐創建有地一百三十一頃二十三畝一分八
釐房一百一十八間半每年租銀一百七十八兩六錢零二
釐九毫東錢一千九百九十四千九百文向由遵化籌備庫
戶房徵解

東陵承辦衙門

同上

鍾昌記略學校者輔政教興人才厚風俗非

義也宋元以來者儒碩學善主書院講席大書之史冊其弟
子授受具有本末上者濟當代用次亦足爲鄉人式故書院
實係於政教人才風俗且造士更易於學校大吏尤宜究心
者蘭陽在京師東北羣山中靈秀之氣所聚正須用文藝以
輔政教興人才厚風俗然平居無肄業地何由講明道義今
年春予奉命來詰戎慨然念及此非粉飾文具以自

立名蓋造士亦守土責也昔北平郡某用軍功爲末將軍猶
尊禮儒士稱彬彬焉予蒞蘭陽數月旣設法以訓蒙士遂議

建書院捐俸爲之倡更與紳亦各踴躍成之俾後之學者咸惕然求道以彰成效焉

社學

義學一在石門鎮一在黨峪俱康熙五十四年建一在巡撫

舊署雍正五年建一在州城西門外雍正八年建雍正志一在

州城廣慧寺一在州城火神廟俱道光十五年建今廢一在

城內關帝廟一在洪山口一在安樂莊原設閭家村一在玉皇廟

一在平安城五處經費俱由燕山書院租息項下支取俱咸豐七年知州何蘭馨

建州冊

學田其地八頃十三畝今奉歸旗州志

附舊武學

武學在州治西北明隆慶五年總督劉應節會巡撫楊兆總

兵戚繼光題建順永武學凡三一在遵化取應襲官舍入學

比年巡撫一澄汰三年巡按一舉貢

劉應節記略國家自兩都而外故無武學自隆

慶五年始云先是劉子奉璽書督鎮薊門召諸將諮以戰守兵法皆噤不應或竊笑之劉子詰以故僉曰禦邊者勇戰無方習七家書其何取當劉子撫膺歎曰必若言舞干之格未能也勇匹夫乎蓋承平久人不知兵介冑之士罔諳韜鈴而縉紳持文墨譏論率詘武力志士又恥從介冑世廟中葉詔求奇謀異能之士卒無應者乃命有司每三歲開科如例羅士顧弓矢馬步之格可幾倖收入闈獻策又糊名易書若測景辨神然故取人如揀金於沙幸而得人如呼之中傳弊在所用非所養所養非所用耳劉子既受事中丞楊公都護戚公上書力言今日武功宜儲將才以備緩急大司馬是劉子言覆奏制可之由是密雲遵化永平三鎮悉立武學修廟立廡給舍分齋巍然宮牆可並黌宇奉祀仍從武成王反本始也設教授各一科正各二隆師道也講有堂射有圃課督有程膳養有餼首重韜略之科力刻舉業之陋崇教養也行之三年得一士疏名以聞得列將籍於是諸士嚮風致力於學或曰衛青以不學勝趙括以讀書敗兵在學歟劉子曰學而敗者百一不學敗者什九甯誤而爲括毋幸而爲青也括正不知學而喜自用者或又曰譚兵如譚禪在悟不在習劉子曰嗟乎外矣禪之悟果廢漸而能頓哉得魚兔忘筌蹄可矣必舍筌蹄以求魚兔是緣木守株之智也雖有良工不廢繩墨雖有良冶不廢鑪錘是故九流有師百工居肆矧兵戎重事乎夫郢人之運斤其神疑也楚人之承蜩其視專也業專

則精習人乃悟故曰不學操縵不能安絃學兵者緣可尋之法馴致乎至微不至神之地則因變制權隨機運化斯守則固戰必勝乃稱大將才云時監司王子一鶚孫子一元朱子守約王子之弼揖而請曰願藉公言以詔二三子因述爲記

萬厯初戚繼光又改太僕寺行臺爲之中爲武成王殿三楹兩廡各五楹堂右爲科正宅萬厯四十五年巡撫劉日梧增修原設教授一科正二萬厯三年裁二員止留科正一員

本朝並裁武生隸儒學武學遂廢

州志

玉田縣

縣學在縣治西遼乾統中建明嘉靖十二年改建西關外二

十九年督學御史阮鶚復移建城內萬厯六年知縣胡兆麟

稍遷而東

雍正志

十年知縣張偉修櫺星門二十八年教諭賀

君恩建名宦鄉賢各祠三十九年知縣繆思啟重修東廡四

十七年知縣徐廷松鑿泮池建尊經閣

本朝康熙四年敎諭魯斯重修西廡十年知縣薛坤葉戴天敎

諭張元復各修

張元復記略已酉秋予來敎是邑而學宮殿簷欲墜砌基剝落殆盡西廡新築門墉未就

東廡及名宦鄉賢二祠久歸烏有春秋祭葦棚卽事戟門雙扉尙缺櫺星門惟餘中楹然已傾敎蠹朽不耐朝暮明倫堂崩塌無完椽簷瓦垂垂人不敢仰視予憫然懼怒然思念欲修治但時絀舉盈恐難就事姑召儒生之賢者謀之而張生毓秀江生象乾輩僉曰可乃置募簿勸助輸人樂趨功成無吝色不四年而次第畢舉焉予不敏不能興起善化姑爲之記以俟後

之君子云

十二年邑人江震乾等重修明倫堂

胡維翰記略邑乘載雍伯

故里也文清公篤生其間爲有明一代大儒二百餘年後爰有碣石張公振鐸於斯兵火以來宮牆傾圯公慨然以爲己任多方鼓舞立雪其門者皆通方立品表表一時識者已知董厥役觀厥成易易也於是鳩工市材歷三月而櫺星門兩廡煥然改觀矣而明倫堂猶然星曙卓卓江震乾伯龍江象乾毅庵克遵乃父遺命遂以獨力大爲興舉厥費數倍於人不惜也堂成鐫石於堂之右壁廡斯

雍正五年邑人江之鉉

等重濬泮池修橋十三年知縣嚴宗嘉乾隆二十一年邑人

郭天玉相繼補葺

縣志

教諭宅在學宮西北

同上

訓導宅在教諭宅西

同上

學額原額科歲試各取文章十八名歲試取武童十五名廩

膳生二十名增廣生二十名二年一貢

學冊

書院

社學

義學一在明倫堂後康熙五十四年建

雍正志

一在東關十方

院乾隆初知縣嚴宗嘉捐建

置地一頃八十四畝有碑記又知縣張鎮捐置地四十七畝

縣志

學田共地四頃十畝今無

同上明王大智記略余閱宋史至給諸州學田未嘗不歎熙甯養

士之厚元人祖遺意令州縣學田聽其經費春秋釋奠外以及士之無告者我朝二百餘年相仍不易有司長吏視爲故事日久漸湮此法遂廢玉邑庠生積至三百有奇貧不舉火者在在而是邑侯徐公奉命來宰玉邑甫下車卽以養士恤

民爲念諸青衿家計有不足者各給以粟越明年年鬯人和
乃謂王無學田安所資貧士乎謀厥教諭賀公君恩訓導張
公如鑛捐俸置田於是邑庠生郁君光破王君宏道出田若
千畝凡好義者多所輸助公且招流移以充田戶免其雜徭
不數月營屋經室宛然成一村落田旣成諸生欲勒石以志
永久托賀公問記於余余歎曰此德政也後之君子觀斯石
而興起則田與石俱垂不朽矣王士其將有所藉也夫是爲記公諱允薦海豐人

豐潤縣

縣學在縣治南

舊作東南今從縣志考正

金大定二十七年建元至元十

二年修

雍正志

延祐四年縣尹耿承事創建兩廡

據碑記補元張勗記略

溷陽豐潤縣古號名郡遼金以降爲州爲縣載在沿革天兵
革命之後邑之儒宮鞠爲茂草遺迹不存至元十二年春邑
中耆老相與謀曰吾夫子之道涵育斯民如天之日星人之
穀帛也人之所賴以生者蓋以此也然吾之所以報本者春
秋祭祀而已此之不修是豺獮之不若也乃鳩錢千萬卜日
而經營之不期月創構大成殿設聖像於中宇列亞聖十哲
於左右春秋祭祀使諸儒拜趨其下瞻之仰之得展其誠敬
皆邑中耆老之力也於今四十餘載兩廡諸賢之立尙猶闕
然延祐三年夏四月翰林掾史耿公承事來尹是邑因以暇
日遊於芹宮與同僚監郡哈海敦武王簿趙將仕等謀曰吾

來是郡甫三周星每春秋陪祭於殿下觀兩廡之不構無以繪七十二賢及歷代名儒之像歉然有愧於心非敢怠違以日力不給未暇及之吾欲興滯補弊以繼前人之功諸公以爲何如耳諸公同聲應曰唯唯惟公命之乃出錢數千萬緡鳩工募材經始於延祐五年秋八月落成於是歲冬十月告成之日邑中耆老楊質等欲刻諸石以傳永久學官楊齊賢請予詞而銘之予不愧荒蕪謹撫其實而爲之銘銘曰惟豐潤之爲邑兮在漑之陽土沃民饒兮獨甲於東方首善自京師兮化四洽而洋洋惟都邑之承流兮皆設序而開庠賴有其人兮而能上繼前人之光大啟聖人之宇兮闢聖人之門牆使息於斯游於斯者得聞奧而升堂材成德毓兮大爲棟而小爲梁上以副聖朝興學養士之意下以塞承流宣化之責繫斯人之芳譽

兮彌久而彌彰

明洪武初重建永樂十二年知縣鄧正心

正統六年知縣吳昌各重修宏治十六年知縣靳宣恢拓之
嘉靖間知縣冉崇儒建鄉賢祠

本朝順治六年知縣吳執忠邑人谷元隆補修康熙元年教諭
蔡元甯訓導吳渠二年邑人曹首望相繼修十二年知縣尙
大發修明倫堂十八年知縣陳恭錫重修名宦祠二十九年